



作策<sup>音</sup>睫者



有<sup>音</sup>水<sup>音</sup>樂

閒人元



氏<sup>音</sup>氏<sup>音</sup>氏<sup>音</sup>



兩<sup>音</sup>故不知其姓氏而人非隱僻詩

篇又嘉絕獨不見任籍志何耶

桐鄉金<sup>音</sup>檀星軺借得於金閭藏

書疑非玉蓮徑即陸<sup>音</sup>其清物也

雍正癸丑暮尚東倉宋著王記

巢曉集四卷明曾榮撰四明范氏天一閣藏刊本繁昌吳珩  
未缺據云先生名榮字子启永豐人永樂二年狀元及第又  
皇帝簡進士二十八人就文淵閣出中秘書俾進西業先生其  
昔也遂晝夜淬厲文與學俱進文皇召試迅筆千百立就以  
是深見鑒重遂名聞天下所作碑銘序記表傳詩賦流布遠  
近先生謝世后其全集惜未之見塵存巢曉集一帙云云

道光癸未六月四日東武劉善海識

禮

曾榮永樂甲申賜進士第一歷侍講侍讀學士左春坊大學士進詹事

府少詹事卒贈禮部左侍郎謚襄敏著有巢曉集

見明詩綜第十卷

曾榮西壘集集曾榮學士王洪侍講合稿載金氏文瑞樓書目紫西  
壘集金氏任十卷較此集多大半殆其全集歟竹垞輯明詩綜亦  
云云巢曉集或偶未之見耳

喜海又識

禮

### 巢曉集序

補錄

此序首二頁原缺癸未中秋偕得蕙易榮  
氏平安館所藏真定梁蕙林相國鈔本

天生賢才豈徒然我亦必將豐其  
賦與敏其性飽其學問富其文資  
章慶其遭遇居道揆也成一代之  
相業職侍從也成一代之制作芳  
聲偉譽與世悠久耿々不磨然是  
人也豈易得哉必天地儲祥光

氣完鍾毓而際會亨嘉方能成出  
於前而垂於後求之

當代獨於翰林學士曾先生見烏嘗  
考先生名榮字子君吉之永豐人  
天資英邁學問博洽永樂二年狀  
元及第恭遇

太宗文皇帝御天下慨然欲作新人才  
興起斯文而於龍飛第一科進士

中簡明秀通敏者二十八人就文  
淵閣盡出中秘書俾進所業蓋期  
之於古人先生其首也遂晝夜淬  
礪文與學俱進

文皇召試迅筆千百言先生立就不費  
思索而理致文采皆到屢舉群書  
隱僻事以驗所學靡不悉對以是  
深見獎重遂名聞天下其制作也  
大篇春容短章緼藉用事賦博練

語精切鏘乎金鳴慶乎玉應聲然  
高山之出雲沛然百川之注海當  
時儒臣博學詞林揮翰無出其右  
四方求者無間貴賤日集庭下靡  
不爲應一時文人所作碑銘序記  
表傳詩賦流傳遠近未有如吾先  
生之富者先生謝世後其全集惜  
未之見僅存巢隄集一帙約詩二

百餘首廼者湖臬僉事廬陵陳方  
正觀得而繡梓未幾方亦物故版  
隨散失近者長清張公大振來湖  
掌憲慨念先生詩集不可沉泯乃  
以舊本繕寫命工翻刻以壽欲予  
言引其端嗚呼予何敢言哉蓋先  
生得於天者厚有諸己者盛際乎

君者聖故製作極乎一代文章冠乎古  
今雖老師宿儒莫贊一辭予以晚  
生腐陋若以俚言加於篇首正昔  
人所謂刻畫無益唐突西施豈不  
知愧哉雖然良金美玉固世所寶  
也藏諸密室若非倚人指道終莫  
知其為至寶今憲使壽先生之詩  
非愚述所文學際遇以俚言倚道

之則昧者或不知此詩作於何人  
愚者或以珠玉為瓦礫矣予復以  
此自解故不揣狂謏而敢託名於  
篇首云

成化七年歲次辛卯春三月既望奉  
勅巡撫湖廣贊理軍務

賜進士中憲大夫都察院右僉都御史

繁昌吳琛謹序

巢暉集目錄

編次

卷之一

五言古詩十四首

卷之二

七言樂府二十八首

卷之三

七言律詩一百七十三首

卷之四

七言絕句二十六首 五言十一首

巢睫集卷之一

五言古詩

北斗篇

昔我住江南有斗維北懸及茲正幽薊如在北斗邊  
地理雖異域象緯寧有遷感此夜無寐起行望青天  
仰視北斗光珠璣粲相聯伊誰柄斯揭從容居席前  
元氣妙斟酌調和不容偏四時皆順序萬物安自然  
躊躇風露下中情曷由宣天道本幽默誰能問穹玄

涼風篇

涼風日夕生商候淒以清逶迤起原陸散滂薄層楹  
噫氣忽奮激呼喚相闢爭捲地瀉奔濤撼空舞怒雲  
北風揚朔若雷在祀兵雲霧為之晦山嶺為之





豈伊長養節遂與肅殺并草木自黃落鴻雁復南  
顧茲動植微感觸若有情起坐待明月援琴寫秋聲

己丑重九日北京官舍宴會分韻得落字

朝廷重巡狩車駕省方岳舊封屬堯奠新邑擬周洛  
壯夫脩千載髦士侍帷幄幸因退朝暇聊遂盍簪樂  
維時肅霜露涼氣滿郊郭晝蠅息紛擾宵蠍斂毒蟲  
高梧振脫葉叢菊破新萼蓐收御金候無射司律籥  
九日屬六至群公方會釀朝紳秩初筵官署上陰  
桶山黎粟陳貝澗實菱剝庖霜鱸膾登翻雪螭斲  
擣黃橙滿按佩紫萸盈握累觴遞酒促席縱飲詭  
探竒窮突與搜古騁雄博氣岸豁騰騫詞鋒交掎角  
驪珠吐光燄龍劍露鐔鏗擣章富文采攄抱謝表褻

歲蕤爛晴雲浩蕩瀉秋壑蹇予比檇櫟厠跡登館閣  
趨朝聯玉珂待漏聽金鑰優游地清嚴黼黻才謏薄  
踪跡隨轉蓬悵幅誓傾藿幸叨扈從榮苦乏經濟畧  
宦途愧鵬奮羈鞅慚鮒洄暈征遭盛時旅進沐優渥  
况茲值佳節相與共芳酌寧期白衣來任此烏帽落  
忝陪席上玆細和郅中作毋徒陋孱顏持以謝藁斷

冬日扈從還南京隨駕出麗西門馬上作

朝隨六龍駕遠別黃金臺萬乘出都門旭日淨浮埃  
翠華正飛揚玉輦從天迴羽林羅猛士夾道馳雲雷  
回首望玉京城闕何壯哉海水向東流西山鬱崔嵬  
上有五色雲垂輝映蓬萊壯遊愜同覽欲去仍遲回

天仗開宿昔長道陪古來

至今百世後聲譽揚九垓

歌風臺

秦皇失其鹿咸陽為飛灰沐猴萬人敵叱咤生風雷  
堂堂龍準翁仗劍起蒿萊天威動四海顧指群雄摧  
垂衣坐闕中黃屋高崔嵬一朝念鄉土萬乘忽歸來  
酒酣發浩歌意氣何壯哉大風撼粉榆白日照尊壘  
焉知天運移炎祚倏已頽淒涼千載後秋草翳荒臺  
流景能幾時昆明起塵埃飄芒碭雲飛散不復回  
至今中易里惻愴令人哀

次下邳圯上

韓祀中覆絕子房憤其讎千金購力士慷慨發奇謀  
潛行博浪沙勇氣橫海陬副車奮一擊大索窮九州

羸祚遂不振祖龍死沙工歸來風塵際聊作圯上遊  
忽逢黃石公取履能色羞投以一篇書庶將報秦仇  
翩然佐漢祖運此帷幄籌功成不受賞所願今已酬  
拂衣從赤松富貴若雲浮至今豐沛間遺跡尚可求  
明誓善保身萬古垂芳猷

癸巳三月十三日扈從之北京舟發石城門

外賦呈同行諸公

石城天設險虎踞壯皇州策馬出都城駕言從豫遊  
萬乘宿嚴駕先期戒行舟龍驤載圓籥虎士羅戈矛  
日出蕭鼓鳴中流發棹謳兩京何巍峩山川舊相繆  
陝雲邁炎漢洛下嵬成周龍飛符景運龜食叶神謀

故者諫無補愧茲恩寵優鳴鑿濟汾水研琢上清  
永言葵藿心庶以揚徽猷

呂梁洪

洪流昔懷襄區域信茫昧斯民靡寧居嬰此昏墊害  
神哉夏先后敷理乘四載呂梁塞其衝滔天亦橫潰  
巨靈擘山骨地軸為之碎兩岸東驚湍咫尺一何隘  
怒霆鬪鏗旬飛瀑瀉澎湃沛然向東注下與百川會  
造化有設險惟此乃其最扁舟汴奔流涉歷今已再  
水師身手捷徑渡良足快緬懷胼胝勞遺跡遠猶在  
偉茲疏鑿功萬世終永賴

三月二十日舟次開河同胡祭酒鄒侍講登  
岸散步長林曠野中桑麻蔚然因至田家各

賦一詩而去

芳晨靄新霽弭楫長河曲睽茲丘園趣褰裳涉平陸  
郊原渺空曠佇望舒遠目村中夜來雨土脉膏且沃  
茅廬雞犬靜日出煙樹綠牛羊放平野隔水見樵牧  
麥涼雉初雉桑拂蚕已浴老農多歡顏生事亦云足  
禍茲一留憇幽境愜所欵僕夫或前征迤邐出林麓  
緬懷塵外踪於焉恣遊瞩

惡蠅

蒼蠅尔甚微終日何所營紛飛且止擾縱復橫  
或散入襟袖或翔集冠纓或棲遂綠睫或墮忽投羹  
屢揮不能却將窠還復驚况茲卧病軀遭此聒耳鳴

日暮尚未息幾三天向明蜂蟻毒可防

蜈蚣穴底居蛇虺草中行觸之乃肆害反不如尔情  
止棘比諛佞汚壁喧謗聲所以歐陽子作賦窮尔情  
安得奮劍逐坐遣形神清

惡蠍

壁蠍本惡類滋息乃其常鬚鬣衆足多連螿一尾長  
宛：隙間伏蠕：土中藏潛形固深匿搖毒終自防  
乘間恣一螫號呼徹穹蒼蝨斯美嗣續蟬蜩韻宮商  
蟋蟀秋正吟矚耀夜有光微物咸可嘉尔獨性匪良  
我來客幽薊恒恐為尔殃晨興視我履夕寐拂我床  
如聞綠枕席攬衣起彷徨已風多善藥去尔庸何傷  
吾將告軒岐逐尔出八荒

春日同鄒侍講梁贊善二王脩撰周主事遊

長春宮遺址以蓬萊山在何處六字為韻六首

彤霞出滄海白日照高空煙草忽已綠黃鳥鳴春風  
古城宜西郊在昔竒且雄峩：崑珠闕璇題映雕櫳  
羽蓋耀雲日飈車躡星虹云有正真人高步振其宗  
毛骨久已脫神遊青天中馬知百年內斷礎栖寒蓬  
浮雲蔽緱嶺滄波隔蓬萊樓船不復返吹簫何時回  
所以古仙人求之信艱哉麻姑貌如花霜鬢已摧  
况彼彭與聃安能久徘徊扶桑半為薪流景修西頽  
焉得乘雲螭汗漫凌九垓不如飲美酒長笑天風來  
昔者阮與劉采藥天台山忽逢兩美人雪膚綠雲鬟  
嫣然發皓齒豔色誠可餐綢繆結歡好燕婉多嬌顏  
披之紫霞裳餌以黃金丹仇麗豈不供胡為食

歸來復再往仙駕不可攀但見桃花下綠水鳴湍  
吾聞安期生逍遙住東海飛步凌紫氛一往成千載  
容顏宛如昨玄髮殊未改仙岩有瓊蕊路遠不得採  
俯視三神山茫茫隔烟靄洪波相噴激六齋竟安在  
不知繁華子擾何所待誰能學魯陽揮戈駐光彩  
子房有仙骨夙志在煙蘿長揖隆準翁拂衣向岩阿  
招邀赤松子羽駕時相過蟬蛻已無迹雲山空嵒峩  
我欲往從之來去恐蹉跎芳顏豈長好白髮日已多  
落葉不返枝逝川無回波仰望不可及歎息終奈何  
夜夢一仙人羽衣空中度手持白玉屑和以金盤露  
欣然勸我餐誓令紅顏駐覺來異其人開戶不知處  
餘香尚在口自謂精魂固寤寐能幾時容顏遽云暮

回看鏡中髮一半已垂素仙道諒未然誰能識其故

雜詩

鉅都信佳麗甲第連高雲九衢若流水飛蓋馳雕輪  
日出市聲動百貨列奇珍絲管喧晝夜餘響四邊聞  
婦女絕世無艷色嬌青春穠粧馬上笑菑羅繡衣裙  
青樓臨路側珠帳疊錦茵揚眉發皓齒吐氣若蘭芬  
所歡諧夙願燕婉情相親不惜金尊盡惟憂白日曛  
娛樂豈有極秉燭恒達晨戚里中女效顰良苦辛

巢曉集卷之二

七言樂府

天廡神兔歌

永樂七年春二月余以扈從北巡給賜內廡  
兔色馬一匹蓋朝鮮國所貢也神俊超越異  
於凡馬經數千里若有餘力予聞古良馬有  
赤兔之名故作神兔歌以贊之

天廡名馬不易得鳳臆龍髻秋兔色圍官廡養十載  
餘云昔來自朝鮮國想當此馬初生時蛟龍降精雷  
雨垂房星夜墮水盡赤雲霧下繞靈風吹雄姿逸態  
真神俊踔促蹄高雙耳峻目光夾鏡炯方瞳汗血流  
珠賦紅暈朝鮮得此不敢騎覆以黃氍毹赤輝迎和

天廡畫龍種如此萬足皆權奇今晨鞞出迎殊絕尾  
從鑿與自起越朝趨遠蹴交河水夕秣驕嘶薊城月  
君不見驂駟驢驢古亦多老不一試將柰何馭駘無  
力枉蹠躩俗馬有肉空差峩平生憐爾獨遭遇繡勒  
金鞍照瓊署相期慎保不凡姿萬里長隨六龍馭

寒夜曲

銅山泣露宮虬咽魚鑰金寒炯微月十二樓臺凝冷  
光青城踏天作飛雪鮫人鑿冰出海底海闊水堅愁  
墮指風刀剪斷朔雲飛萬戶沉一泓水貂裘無暖  
紅燭滅八尺青綾已如鐵蘭麝香銷冷畫屏夢破秦  
樓肌玉裂龍鱗差一溝水繞銀床無聲金井悄睥睨  
鴉啼曙色分起聽瓊籤報天曉

贈筆工陸繼翁

吳興筆工陸文寶制作不與常人同自然入手造神  
妙所以舉世稱良工有時盤礴坐軒中石盤水清如  
鏡中空山老兔脫毛骨簡拔精銳披蒙茸平原霜氣  
在毫末水面猶覺吹秋風製成進入蓬萊宮紫花彤  
管飛晴虹九重清燕發宸翰五色絢爛皆成龍國初  
以來稱絕藝光價自此垂無窮惜哉文寶久已死尚  
有家法傳繼翁我時得之一揮洒落紙欲挫詞場鋒  
秦心蘭蕊動光彩栗尾鷄距爭奇雄竭耒響此尾仙  
蹕欲補造化難為功夢中無人授吾色安得錦繡嘴  
心曾閑未書空不成字縱有篆刻斷雕品幸今太平

重文堂玉堂金馬多奇逢莫言賦世少知已

謝管城公

北京送從兄復先還戍遼陽

從兄少小辭鄉縣二十五年絕一見只今已是四十  
餘平生涉歷艱難遍憶昔伯父送兄行千里擘舟同  
入京長安道上不忍別臨岐飲泣仍吞聲別來幾時  
伯父死舊業盡空遺二子大姊有家仲子止一門骨  
肉今能幾兄去從軍良苦辛漂泊天涯惟此身拜迎  
折腰事官長顧盼回頭無室人去時同行多隊伍逃  
亡強半丁男補十載邊頭始闔婚有子讀書今十五  
營中無事但耕鋤輸官豈復求贏餘地寬買牛多種  
粟路遠念家難寄書弟來北京已二載東去關山近  
遼海都門邂逅不相識鄉音盡變容顏改塞上風沙

凋弊裏說着故園双淚流挑燈細論征戍苦酌酒暫  
消離別愁匆：相見何曾久明日宮橋又分手朔雪  
還連玉塞雲東風未發金臺柳莫言碌：軍籍中犬  
夫鉅肯悲途窮不見汾陽起微賤唐史猶傳第一功

送胡學士扈從北征

朔風吹塵起搔屑 天子親征仗黃鉞甲冑光搖玉  
壘雲旌旗影度掄闈月知君此日承寵恩扈駕乘春  
出塞垣銀鞍錦鞵耀白日馬上坐擁貂裘溫時：召  
對咨詢久折衝籌策君能有載筆多裁羽檄文傳宣  
屢賜宮壺酒胡沙漠：黃入天鳴笳疊鼓過祈連雕  
戈畫明瀚海雪鐵騎夜走狼山煙天兵奮迅青大旗  
龍光映見花頭落襟外交馳猛士驅前



綺邊頭雨露回易春一洗萬國無纖塵歸來定草平  
胡詔須是玉堂第一人

出塞行送楊庶子

祈連山前雪花落胡雛崛起妖氛作昨日邊頭得報  
書旄鉞煌煌向沙漠帳前猛士擁貔貅長驅擊胡  
為愁鳴笳夜度燕山月飲馬朝枯瀚海流羨君久處  
詞垣職早有才華散籍侍從多陳帷幄籌傳宣并  
草棘門檄萬里龍沙北到天前營後部遙相連寒聲  
蕭騷起刁斗殺氣莽蒼連烽煙挽鎗墮地旄頭滅劍  
鋒已滅單于血部落全歸大漠空一洗腥膻掃殘孽  
六軍凱歌大駕還迴鞭却度居庸關歸來彩筆紀青  
史不用勒石燕然山

車駕北征右諭德金公扈從賦此贈別

寒雲慘淡邊塵黑虜騎憑陵在東北天兵帶甲八十  
萬千里長驅如霹靂平明下詔親出征二月龍輿發  
北京東風閑塞旌旗影落日沙塲笳鼓聲知君文采  
金閨彥扈從恩榮總堪羨龍泉寶帶黑貂裘虎韞離  
弓白羽箭帳前獻俘報捷歸帳中草檄筆若飛狼烟  
乍起雪戴路羗笛橫吹霜滿衣妖星夜墜雲蕭索帝  
捲穹廬空大漠橫行絕域拓封疆直過窮荒收部落  
歸來意氣擅才雄鏡歌先進明光宮豈知折衛在雅  
醒世上空聞衛霍功

望嶽歌

登平早行烟雲四散曙色未微

立青天中蓋相去幾二百里而此山磅礴  
拔若此信乎登東山而小魯矣故作詩紀之  
我欲登泰山憑高望八極浪跡二十年蹉跎竟難  
得今晨馬上忽見之屹立東南半空碧想當洪濛時  
二氣相蟠鬱大塊戲黃土莫能識其端圓靈降崔嵬  
方坤孕峯巒一朝天地劃開關但見千丈萬丈高巔  
屹乃知造化神設此奠坤軸巨靈枕其顛六鰲戴其  
足愚公不能移長房不能縮天公經營鬼斧鑿削出  
千數百峯青立玉自從上古采南風吹不平日月吐  
華彩星宿揚光晶寒崖積冰雪陰壑馳風霆雲霞絢  
明晦草木發精英上浮金銀氣下潛魑魅形岩三魯  
所瞻作鎮朝百靈秦皇漢武巡遊遍王檢金幽重封

禪風雨莓苔往日碑煙霞松栢當時殿由來五嶽秩  
三公况尔巨鎮山之宗鍾靈毓秀香莫測磅礴下土  
專其雄我皇御天生有聖德廣彰仁化誕布恩澤一  
舉平安南再舉清漢北車駕時巡過泰山望祭萊壇  
陳玉帛小臣幸此奉宸遊一覽茲山慶山色雖無涓  
埃補河嶽頗有詞氣洒曾臆他年載筆頌神功刻盡  
泰山之上石

銅爵瓦硯歌

臨江郡守得銅瓦硯以遺中書舍人吳君仲

平吳君邀予賦之因成長歌以記其事云

征西將軍蓋世雄睥睨漢鼎驕成功建安天子在

...

輝交鑄成銅爵起高臺繡戶珠房財散舞繁絃  
管鳴未終葛汁啖盡金樽空分香賣履思愛軍西陵  
落日生悲風三方昂峙霸圖熄玉輦金輿已無迹冷  
兩寒煙滿鄴中惟見銅駝卧荆棘誰怜地老天亦荒  
宮瓦散落猶深藏千年劫火煉不化至今出土生輝  
光草根纏繞苔蘚蝕鄴中野人初未識臨江太守欣  
得之此物不應同瓦礫慙慙拂拭重磨礪制作豈讓  
端州工鳳池先生真好古寶此乃與瓊瑰同先生自  
昔稱才俊忽見珍奇豁方寸龍香麝臍益光妍玉質  
金輝發清潤翻思淪埋塵土鄉此日還登君子堂奇  
姿曾識奸雄面清玩宜親翰墨場君不見漢家諸陵  
在荒野玉魚金盃無遺者早悟愚民盜一坏不如燒

作鴛鴦瓦

瑞菊

東嘉先生富文學十載從容待帷幄平生襟度何涵  
落官舍清幽似林壑地偏沃饒匪境墉南軒藝菊東  
籬若是時九月秋蕭索瑟瑟商飈振寥廓寒芳歲繼  
花始着紫白紅黃相間錯露華為洗姿容灼霜力昂  
藏枝幹弱中有奇株秀且嫵一帶翹然挺天萼天工  
巧將金玉琢花神細感紅綃薄初疑亭立獲鶴駢  
頂丹砂將俛咏又疑粉蝶爭拂掠捲翅並棲如可捉  
飄英皇在邈邈綠羅寬旌動輝耀翻韓魏雙峰  
約翠袖輕盈露珠灑燁如窈窕出河洛彼如魏姬  
術岳護以祥煙籠綠幕飲以流霞酌定是

黃畧銖寶鼎煉丹真汞躍瑤雲不隨真鶴駕五色輝  
 輝射叢菊吐芳不用誇芳葯傾日寧須羨葵藿芙蓉  
 牡丹與芍藥空詫重樓爭灼燦何如秋芳甘淡薄毓  
 瑞呈祥契冲漠二儀和氣互磅礴品彙胚腴人未覺  
 先生才氣真美璞至寶温然質純確胸中素蘊經濟  
 畧日與夔龍和唯諾論思獻納能謇諤象笏朱衣兼  
 荷橐優游詞林膺顯爵一門具慶和且樂乃知造化  
 意有托孕此奇葩迥起卓一時盛事傳館閣錦筵置  
 酒花前的酒酣興至觥籌數坐彈瑤琴捲珠箔紫瓣  
 擘螯霜繪斫醉來弄花香滿握雅頌風賦協韶樂錦  
 繡珠璣繫聯絡詞鋒燁二雄相角寶匣龍泉拂雙鐔  
 出規入矩謝絕削治世之音本淳朴嗟予後至辜前

約引領竒蹤空踏躐汗顏血指不善斷瑣細雕蟲乏  
 宏博斐然續貂追衆作留取卷中資一噓

和姚少師廣孝禁体雪詩韻禁不用縞素皓  
 白物及正月黎梅練絮比擬

壬辰季冬天大雪寒氣刮膚嚴栗烈隨風歷亂覺輕  
 飄過眼縱橫驚屢瞥填源欲遣地俱平塞險疑將路  
 橫截初看著濕半沾泥漸見綠高遂成垵城郭朝昏  
 杳莫分川原遠近那能別豪士方欣鶴氅披貧翁只  
 歎鶉衣結九衢車馬市聲稀四野漁樵踪跡絕現池  
 滴水凍已凝冰柱挿簷堅不折烏雀歸來失舊林狐  
 兔悲羈迷故穴雞群悞曉頻伊喔鴈字書空就漫滅  
 鴻泉陡覺氣凝沍凍并何由味清冽來安處

門誰復清談尚霏屑剡溪作發乘清興東郭履穿甘  
苦節羊羔金帳悄無歡獸炭紅爐豈能熟漢使飢食  
忍噓噫越客乍逢驚吐舌香銷寶鴨火難溫冷溢銅  
虬漏微咽禛祥已應臘前期瘴癘盡息人間孽擬和  
陽春郢客歌欲預占豐歲村農悅追趨幸接三孤重慶  
賀叨陪百官列興來但使酒如渾夢穩豈知衾似鐵  
已聽黃鍾振雅音獨慚瓦缶微吹呖

陳員郎奉使西域周寺副席中道別長句

漢家郎官頭未白扈從初為兩京客忽逢天邊五色  
書萬里扁舟向西域腰間寶劍七星文連旌大旆何  
續紛解鞍夜卧營中月攬轡朝看隴上雲黃沙斷磧  
千迴轉玉關漸近長安遠輪臺霜重角聲寒蒲海風

高弓力軟茲行騎從歷諸蕃擅帳依微絕漠間殘烟  
古樹羌夷聚遠火荒原獵騎還蕃首出迎通漢語穹  
廬蒲萄酒如乳舞女爭呈于闐粧歌辭盡協龜茲譜  
當筵半醉看吳鉤上馬便着金貂裘山川遙認月支  
窟部落能知博望侯草上風沙亂駭肩邊頭日暮悲  
笳咽行窮天盡始回轅坐對雪深還仗節歸來雜運  
宛馬群立談可以收奇勳却笑古來征戰苦邊人空  
說李將軍

燉煌曲

唐憲宗時吐蕃使其中書令尚騎心兒攻燉  
煌刺史周鼎嬰城固守鼎請救回鶻時年不  
至都知兵馬閣朝殺鼎自領州事守城者八

年出綾一段換麥一斗存者甚衆朝喜曰可  
以死守又二年糧械皆盡登城請曰為毋使  
他境請以城降騎心兇許諾於是出降自攻  
城至是十一年州人皆服臣虜歲時祀祖父  
衣中國之服號慟而藏之

吐蕃健兒面如赭走入河湟放胡馬七閩蕭索少人  
行白骨戰場縱復橫燉煌將士抱戈泣四面朝笳聲  
轉急烽烟斷絕鳥不飛十一年來不解圍傳檄長安  
終不到借兵回紇何魯婦愁雲慘淡連荒漠捲地北  
風吹雪落將軍錦韉暮還控壯士鐵衣夜猶著城中  
足綾換斗麥決戰寧甘死鋒鏑一朝胡虜忽登城  
上蕭蕭羌笛聲當時左衽從胡俗至今藏得漢衣服

年：寒食憶中原還着衣冠望鄉哭老身幸存衣在  
篋官軍幾時持獻捷

### 龍支行

唐穆宗時遣大理卿劉文鼎出使吐蕃道成  
紀武川以至龍支城耆老人拜且泣問  
天子安否言頃從軍戰敗于此今子孫未忘  
唐服朝廷尚念之子兵何日來言已皆嗚咽  
密聞之豐州之人也

龍支城頭暮欲角黃雲蔽天沙草薄虎髯使者長安  
來持麾擁蓋邊塵開城門盡是胡兵守城外老人多  
白首拜迎使者雙淚流問云天子今安否自言家

世豐州住少小解家練軍成吐蕃昨日記

長驅涇隴間將軍戰敗鼓聲絕棄戈道鏃填丘山自  
從陷沒身為虜五十年來在邊土依樓部部落作蕃人  
生長兒童盡胡語朝看烽火望中原夜聽鳴笳思故  
園顏垣破屋誰家宅斷磧荒谿何處村奉使還時報  
天子早遣官軍復清水假令老身歸即死已免遊魂  
作胡鬼

酒壚行

東家酒壚大道中百尺酒旗垂裊風少年兩姬何窈  
窕當壚一笑顏花紅道傍過者頻回首駐馬停車更  
呼酒壚頭酒薄渾不知笑勸相歡坐來久西家酒壚  
相向開雕盤綺饌連金壘門前寂寞少行迹塔面夜  
雨生青苔由來酒徒多重色愛此紅顏在壚側暫時

過眼寧盡歡囊中有錢應不惜誰將此意報西隣坐  
中無客且莫嗔東隣兩姬一朝去門前亦無呼酒人

邯鄲曲

邯鄲女兒貌如花手綰雙鬟盤作鴉窄襟小袖巧粧  
束畫得秀蛾雙黛綠娉：嫻：十五餘自矜嬌態誰  
得如春眠不穩翠衾薄起向東風惜花落誰家寶帶  
繡鴛鴦何處畫屏開孔雀邯鄲城中多貴遊投金填  
壁紛相求父憐母惜嫁時早自比連枝願終好芙蓉  
帳深紅錦幔烹犢急羊列華饌生來不識機杼聲身  
上羅襦幾回換翻憐隣女嫁由家朝去採桑夜績麻  
年：辛：苦：事：織：作：嫁：時：水：裳：老：還：着

前門老婦歌

薊門老婦歌且行一曲斷腸多苦聲時掩面向人  
泣：罷從前道姓名自言少小顏如瓦金縷羅襦開  
粧束先朝丞相重清歌教得新翻太平曲雕房繡閣  
高差幾五侯七貴時經過就中艷色自無數俛首低  
鬟聽我歌行雲斷絕梁塵起滿坐停杯驚且喜當筵  
一擲千黃金翻惡管絃徒聒耳只言歡樂度青春不  
識人間賤與貧向來風景一朝異翠鈿散樂隨埃塵  
况今衰老轉蕭索惟有茅廬傍西郭閑來還唱舊時  
歌不覺一聲双淚落人生豈得長少年一貧一賤皆  
自然銅山鑄錢終餓死古往今來何足憐

車遙：

車遙：向何去耳邊猶聽聲驕：望盡飛塵不知處

妾獨在空閨顰蛾對青春唯有一寸心萬里隨車輪  
願君到家後車輪生四角不願歸時金滿堂願君早  
歸貧亦樂

行路難

繡簾窄地蘭房深猩紅蜀錦芙蓉余翠鬟二九腰肢  
小楊柳嬌春時媚：羽林少年輕薄兒相逢盡道歡  
娛少華觴半酣減紅燭合歡寶帳連環玉楚雨巫雲  
夢未蘭水咽銅虬漏鼓促調弓白羽誰家郎射鴨忽  
中雙鴛鴦錦翎繡臆半摧落願影含凄空自傷只言  
比翼成歡侶中道分飛却愁苦從此飄零失故棲疾  
翼銀塘鎖烟雨君不見東家女兒嫁夫婿寶鏡又驚  
秋味翠畫得蛾眉八字新朝暮不相識



漁父辭劍圖歌為胡學士作

楚國蒼蠅競諛毀伍奢飲恨忠臣死慷慨誰家報此  
離東走昭關幾千里長江怒濤雪山立追騎如飛忽  
相及倉皇豈料逢老翁獨棹扁舟濟危急腰間寶劍  
光陸離持以贈翁莫疑丈夫困厄古來有我得汝  
劍將奚為楚人有粟五萬石一劍寧論百金直嗟我  
老翁今已止此意盡者應不識

題趙松雪三十九馬圖

吾聞天馬生水中房星夜墮波光紅虎文鳳臆真異  
狀一日千里能追風平原草綠春波湧雄姿逸態人  
皆竦騰騫磊落如有神三十九匹皆龍種風驟霧鬣  
擺長雲五花鬣簇錦紋就中一匹獨奇絕驕嘶似

欲超其群前年從征破強虜踏碎陰山力如虎尾絲  
宰地逐流星汗血凝珠散紅雨今年北去掃殘胡駿  
馬驍驍絕世無追奔已窮沙漠盡渴飲能令瀚海枯  
騏驎驕驕古所惜况此驅馳樹勳績君不見穆王八  
駿空尔奇弄影瑶池竟何益

楊論德所藏王孟端墨竹歌

王郎畫竹何神奇落筆更覺清風吹蛟龍怒奔雷雨  
泣滄溟倒捲雲淋漓有時半酣索紙墨兔起鶻落誰  
能測縱橫滿眼金錯刀四座陰森冰雪色九疑峯高  
青入天洞庭水與三江連霓旌翠羽半明滅至今  
拼蒼梧烟玉堂之居迥蕭爽誰與共君同一會聞

公子襟抱清對此倏然絕塵想我亦平生

興欲作瀟湘遊何時濯足弄明月推蓬却聽江南秋

題陳所翁十四龍圖

神龍靈變不可測昔者所翁親見之豪來落筆縱揮  
洒飛騰天矯真雄奇忽然破石海水立馮夷震駭蛟  
人泣頭角軒昂雷雨垂爪甲淋漓煙霧濕歛來爭鬪  
勢轉雄怒氣欲捲蒼溟空銀濤洶湧逐奔雷白日慘  
淡生長風左蟠右攫驚恍惚驪珠射波光盪潏鼓浪  
遙摧蛟蜃宮乘潮屢撼龜鼉窟乃知所翁藝絕倫不  
必見之久更真蜿蜒十四各異狀揮霍變化何其神  
請君深藏當愛惜展卷猶疑驚霹靂嗟哉所翁今已  
亡人間自此無真跡

姚少師所藏八駿圖歌

周家八駿如飛電夙昔傳聞今所見銳耳雙分秋竹  
批拳毛一片桃花旋肉駿疊聳高崔嵬權奇如此真  
龍媒霜蹄試踏層冰裂駿尾欲掉長鬣迴瑤池宴罷  
歸來早絳月羈金照京鎬紫鞵飛時逐落花雕鞍解  
處眠芳草由來駿骨健且馴弄影嬌嘶不動塵有時  
渴飲天津水五花照見波瀾：團官騎來難久駐飲  
向春流最深處珠銜寶勒不敢疏直恐飛騰化龍去  
古來善畫韋與韓此畫豈同凡馬者人間造次不可  
得首藉秋深烟雨寒

題楊大僕所藏趙松雪春牧圖

吳興趙公善畫馬昔者韓幹空得名偶然寫此數十  
匹馬素漠：長風生奔騰躡躑各有態

駘葦在野直令凡馬空浴川曾與神龍會背為虎文  
照白沙黑雲滿身散作花玉駿連錢耀白雪汗溝走  
血蒸紅霞迺知駿骨皆殊絕逐電追風自起越蘭筋  
颯爽千里姿伏櫪焉能受羈紲唐家封禪事虛文四  
十萬匹空如雲只今內廐馬無數馬跡所至成奇勳  
叮嚀大僕毋着畫問國之富當數馬

楊學士所藏王孟端古松流水老檜蒼崖圖

古來畫松稱絕藝畢宏韋偃俱擅名豈知王郎亦畫  
此醉墨淋漓人始驚時酒酣拂絹素意底經營有  
神助霞雨懸崖虎豹蹲雷霆破石蛟龍怒松根泉流  
響琮琤千巖萬壑皆秋聲高堂六月不知暑對此恍  
覺形神清偶然揮洒造神妙肯與畢韋論老少謾想

巢邊白鶴歸虛疑葉底清猿嘯斯人平生少畫松乃  
有此圖奇且雄嗟哉死矣不復得徂徠寂寞生悲風  
王郎工畫妙入神平生強項世所嗔有時興至自盤  
礴睥睨已若旁無人忽然放筆作古檜白日煙雲條  
真晦淋漓盡帶雷雨垂慘淡長疑鬼神會古藤纏絡  
枝相樛屈鐵礫砢騰蛟虬左擎右攫飛不去崖石欲  
裂山精愁王郎一生何不過五十得官嗟已暮胸中  
時吐氣崢嶸半落蒼崖化為樹知君愛此長蕭森藏  
之顏比雙南金秋來恐有乘槎客泛入天河無處尋

題從姪景武藏王元章梅花歌

會稽王郎工畫梅妙奪造化何神哉有時興至即揮

萬片萬片繁花開吾家阿宜尚清雅時

論價昨日錢塘得此圖云是王郎之所畫我家昔住  
雲水鄉寒梅遶屋花成行自從來作兩京客不見梅  
花餘十霜當時泄漏春消息一枕梨雲夜無跡玉骨  
冰肌絕世無相對那知舊曾識玉堂展卷賦新題鄉  
心忽到江之西何當載酒踏晴雪隨處看花信馬蹄



巢睫集卷之二終

巢睫集卷之三

七言律詩

殿試罷作

曉開三殿降絲綸  
袞冕臨軒策小臣  
紅燭影催金闕曙  
紫霞香泛玉壺春  
雲霄九萬扶搖近  
禮樂三千制  
作新淺薄未能宣  
聖德頌歌械樓播皇仁

己酉正月元夕次黃庶子韻

絳蠟爭燒夜景新  
銀缸點處綴繁英  
根荻不假陽春發  
光彩常從午夜明  
撲燭素娥飛不到  
尋芳粉蝶誤還驚  
不勞羯鼓相催處  
此夕韶華過洛城

蓮花燈次胡庶子韻

半曉爭燒夜景新  
芙蓉何事獨先春  
恍疑金炬初

院不借清蓮已絕塵光映若耶漢上女影隨太華井  
頭人若教真可浮波去太乙乘舟便脫巾

戊子正月十二日大祀南郊分獻

天子南郊祀旻穹瑤壇齋祓謹嚴中簫韶合奏聲容  
備袞冕遙臨禮意崇銀燭光寒明瑞雪金爐煙細度  
香風微臣裸獻慚無補但祝蕃禧集聖躬

正月十四日扈從幸鍾山觀靈谷寺塔影因  
命讀朝鮮國陪臣所和聖製塔影詩并賜觀

臣肇和韻之作

寶塔呈祥變現奇鸞輿臨幸早春時雲霞綉綵常交  
映闌檻回光盡倒垂方外靜觀諸佛相御前遍讀遠  
夷詩賡歌已得經宸覽才薄慚無絕妙詞

訪竺臺瑒上人故居

瑒師沒後已經年古殿陰廊亦悄然西去竺天還不  
遠南來衣鉢竟誰傳風播不動空中影塵榻曾逃醉  
裏禪歸客豈堪愁絕處西風黃葉寺門前

經故妻婁氏墓

宿草寒煙一徑微孤墳三尺對斜暉多情已逐行雲  
斷薄命先隨落葉飛燕寢香消人未老龍門選罷客  
初歸塚頭多是無花樹縱有春魂何處依

過殤婦孫墳

壬午年中哭汝時只今回首轉堪悲探環往事誰能  
問埋玉重泉恨永道湘裡雲寒松窈窕墻陰露白草  
離傷心千里南歸客泣血西風淚兩垂

鞋山

重湖深處露嶙峋，弓樣裁成一曲勻。沙草翠鋪羅襪，潤野花紅襯綉紋。新圮橋墮處偏臨，水葉縣飛來不染塵。若是浪珠頻滅石，更疑上客在春申。

己丑春將有扈從之行寄龍虎山張真人宇初  
曾陪巾舄坐容臺，有約尋仙踏雪來。欲候青牛度函谷，又承丹詔上蓬萊。京華冠蓋從龍去，閬苑音書附鶴回。遙想春歸煉丹處，東風千樹碧桃開。

春日扈從幸北京和胡學士韻

警蹕宵嚴向北巡，龍輿行處布陽春。喜陪載筆同隨輦，不比乘槎遠問津。鶯轉上林催淑氣，馬嘶馳道蹴香塵。一官幸備詞垣職，才薄羞稱獻納臣。

車駕渡江

朱旗畫戟擁隄沙，錦纜牙樯照浪花。佳氣迥浮江北樹，曉光初絢海東霞。雲中鸞鳳扶丹輦，水底魚龍識翠華。不用臨流羨天塹，只今四海盡為家。

駕次江心驛

清蹕初停日未西，鴻臚將引唱班齊。營門風暖千旗動，輦道雲香萬馬嘶。草綠野塘多是水，雨乾沙路不成泥。忽傳四鼓鸞輿發，不寢時時聽曉鷄。

訪宿州太守不遇次王修撰時彥韻

繞堤官柳拂晴沙，步入孤城日已斜。殿上六龍初駐輦，郡中五馬未歸家。典闈猶對芳樽酒，生火頻燒夜燭花。自歎江南羈旅客，醉來忘却去程餘。

謁先主廟

遙知天意祚炎劉，又見真人起涿州。  
三國英雄空割據，千年正統繫春秋。  
舳舻稜雲氣浮，金爵寢殿香烟傍。  
冕旒猶有葆桑遺跡，在行人駐馬暫淹留。

三月七日駕至北京

宿衛先陳鹵簿儀，千官劍佩立彤墀。  
教坊合樂迎鸞慶，禮部開函進表時。  
北闕曙光明鳳扆，西山秀色上鸞旗。  
退朝緩步歸青瑣，花滿春城淑景遲。

訪趙司業話舊

曾隨鳧鳥下青真，晚向咸均校一經。  
六館生徒沾化雨，兩京人士識文星。  
河陽舊日花皆滿，薊北逢春草又青。  
樽酒細論相慰藉，莫將踪跡歎浮萍。

謁文丞相廟

國事艱危屬秉鈞，平生慷慨竟捐身。  
百年社稷歸元主，萬古祠堂表宋臣。  
已見高名垂宇宙，還瞻遺像肅冠紳。  
當時碧血生芳草，留得清芬歲歲春。

寄紀善仲隆江先生

遠承玉輦奉宸遊，喜得音書自潞洲。  
白首去家成遠別，丹心報國故多憂。  
山從寧晉連天起，水向汾河入海流。  
莫謂宦途千里隔，時時尺牘慰離愁。

懷王檢討偁侍英國公南征

牙旗玉帳去翩翩，籌策于今羨獨賢。  
官在玉堂通禁掖，路從銅柱入炎天。  
行軍未說張油樂，破賊頻看草檄傳。  
早晚南荒氛祲息，鎮夷關外凱歌旋。

遊慶壽寺

岩堯古刹傍城陰  
畫靜禪扉聽梵音  
風度曇花隨度  
落雨餘樹色望中深  
老僧相見開方丈  
遠客因過契賞心  
為喜官閒居止近  
退朝時得共幽尋

夏日留坐行忠上人房

白石蒼苔一逕通  
閑尋遊處到禪宮  
上方鶴唳風聲外  
古鉢龍藏雨氣中  
仙梵隱時初出定  
天花落處坐談空  
相逢即是白蓮社  
不必廬山問遠公

遊崇真萬壽宮因訪葛大常

蓬萊宮闕禁城東  
舊主真人向此中  
鳳去緱山虛夜月  
鶴歸華表怨秋風  
飛花入戶丹房靜  
古木垂蘿碧殿空  
此處忽逢勾漏令  
欲因暇日問參同

西城晚眺

薊門烟樹起薰風  
繚繞川原四望通  
雲氣迥連蒼海上  
人家還住舊城中  
獨尋芳草行應遠  
閑對遙山思不窮  
歸到玉堂仍待月  
隔窓涼影在疎桐

扈從幸天壽山

祥雲五彩護長陵  
地志深符郭璞經  
千澗盡通滄海白  
諸峯遙入薊門青  
星臨仙仗知天近  
雲擁鸞輿識地靈  
此處經營時駐輦  
幾回清蹕到岩扃

萬歲山

萬歲仙山枕碧濤  
廣寒宮闕倚雲高  
畫橋御路遙通鶴  
滄海神峯盡戴鰲  
風裏飛花隨綵仗  
岩前深樹隱宮袍  
昔人都此誠佳境  
留得宸遊醉碧桃



海子橋

鯨海遙通一水長，滄波深處石為梁。  
平鋪碧甃連馳道，倒瀉銀河入苑牆。  
晴綠乍添垂柳色，春流時泛落花香。  
微茫迥隔蓬萊島，不放飛塵入建章。

送聶大使永昌自陝西使回至行在復還南京  
秦關百二古山河，使節應從幾處過。  
喜賦皇華歸鳳闕，還開祖席唱驪歌。  
檣帆有：趨京遠風雨瀟；入夏多：若見鄉人應借問，兩都詞賦屬蠻坡。

得周編脩書兼東西兩京諸同年

別離易久覺情踈，旅舍幽閑嘆索居。  
遠客每勞千里夢，故人初寄一行書。  
滿城山色晴雲外，近海潮聲過雨餘。  
禁裏昔年同學者，班揚文字竟何如。

早秋寄鄭紀善孟宣兼呈王中美先生

昔年相見二毛初，此日星鬢已踈。  
官舍每看臨罷帖，內廷還校進呈書。  
薰葭白露經霜後，莎草黃雲落照餘。  
聞說舊時王大使，好官新拜曳長裾。

送呂僉事赴山西

昔年持斧豫章城，總謂乘駄衣綉榮。  
江右諸生歸妙選，部中黎庶識清名。  
風霜搖落丹心在，湖海飄零白髮生。  
西去大行官舍近，相臺還似舊時清。

中秋分韻得多字

乘月歸來散玉珂，又經佳節客中過。  
清光初上金臺殿，素影先澄太液波。  
萬里關河秋氣迥，九霄風露夜

和胡登酒新居之作韻

移居近向幽偏處雪滿霜毫得句新門對西山添爽  
氣地連上苑隔囂塵清明舊見堂鱸集美化曾聞邑  
雉馴莫謂客懷多寂寞東風桃李滿門春

冬至喜暖和梁贊善韻

灰浮葭琯一陽生殘雪初消節後晴宮日添長宜刺  
綉仙韶迎暖漸調笙喜陪載筆歸東觀更欲移家住  
北京應是朝來天氣暖隔牆絃管送春聲

己丑除夕作

年：客裏逢除夕此夕金莖歲又除爆竹屢喧清坐  
久枱花初獻半酣餘春回藹北看新曆家在江南憶  
遠書奏賦未能叨扈蹕獨憐多病似相如

元夕午門觀燈侍宴和鄒侍講韻

宮筵合樂戲魚龍此夕承恩在禁中鰲戴神山來絳  
闕鸞隨仙馭下瑤宮星河影轉千門曙羅綺光搖萬  
燭紅願奉宸遊歌在鎬長陪歡宴樂無窮

二月初十日車駕北征送至德勝門外還守北京  
遠巡沙漠聖躬勞十萬熊羆膽曷豪日上金莖兵氣  
遠天回玉壘御營高漢家有道方全盛胡命無生竟  
莫逃早晚龍庭歸奏凱還迎仙仗候神臯

六月十四日讀平胡詔

驚與初駐幹南河虜騎驚奔自倒戈胡運却從今日  
盡封疆遠過古時多千年虎穴消氛後六月龍

庚寅十月駕發北京

仙仗宵嚴出九關北來巡幸復南還省方制度藉三代  
破虜天威振八寰鳳輦龍輿辭上苑牙旗玉帳照  
西山承恩特賜天閑馬又得從容侍 聖顏

夜宿任丘

殿前金鼓夜無聲野外星沙遠莫城燭影迫浮宮扇  
動月華偏傍御筵明周營騎士還分隊直漏鷄人又  
報更卧起只應隨鳳蹕何須計日問嚴程

謁王彥章廟

一軍如虎獨當關梁晉山河百戰間豹死有皮遺語  
在馬亡無革裹屍還鐵鎗冷臥苔痕澁粉壁寒侵樹  
色閒應有忠魂遊地下儼疑相見復何顏

項羽廟

百戰休論蓋世功鴻門宴罷霸圖空虞歌慷慨孤燈  
下楚業銷沉一炬中露濕古墻秋蘚碧霜含老樹夕  
陽紅英魂若到彭城路忍聽高臺唱大風

維揚懷古和胡祭酒韻

廣陵城裏昔繁華煬帝行宮接大霞玉樹歌殘猶有  
調錦帆歸去已無家樓臺處：惟荒草風雨年：自  
落花古往今來多少恨只將哀怨付啼鴉

喜蕭時中狀元及第

鄉衮曾掄宋殿魁廬陵文運喜初回九重天上承  
恩渥八十八人中識俊才靈簡幾年窺夜雪龍門一日  
笑春雷行人若向青原望定有紅花燭上白

同李允周司諫携琴遊天界寺和鄒侍講  
獨愛山居在上方深幽渾似遠公房客留夫室同揮  
麈僧飯胡麻獨據床貝葉經翻頻說偈蓮花漏滴靜  
焚香何時更約携琴去閑對青松坐晚涼

送彭巡檢子韶赴閩清兼示光澤舍弟

送君南去片帆歸五月薰風白紵衣路遠閩山征騎  
遠月明蠻徼邏兵稀枕椰綠暗經殘雨荔子紅垂映  
落暉小弟杉關煩寄語客心長伴鶻鷁飛

寄習郎中

昔年游宦滯炎荒晚歲承恩鬢已蒼葉縣飛鳧懷  
茂宰漢宮題柱憶仙郎春城貰酒看花遍晚殿趨朝  
聽漏長未得過從常款語相思咫尺愧同鄉

冬日扈從獵龍山同遊牛首山佛窟寺和胡  
學士韻

松下禪扉晝不開垂蘿應許世人攀黃龍說法諸天  
在白馬馱經幾日還近午泉聲晴雪後隔林僧影夕  
陽間不須久住烟霞樂暫得尋幽即是閑

數聲清磬遠微：始覺塵踪到此稀僧向定時聞葉  
落客從坐處見雲歸佛居華藏那營窟心會真乘即  
悟機賜得宮袍新製錦未應還羨衣

路入禪宮殿影斜紺園林樹拂雲霞書學唯收

葉天女聞經屢散花閑禮六時占刻漏靜觀諸相與  
袈裟何年更得忘塵累來看浮雲閱歲華

古鼎沉烟一榻微紺園寶地出塵稀

過石洞龍隨雨氣歸閣對佛燈知幻影偶聞僧講數  
禪機祇園坐久天香度無數曇花亂點衣

剝木通泉落澗斜雕胡炊飯勝食霞珠林紅樹爭飄  
葉寶地清蓮盡吐花自有天香浮丈室更無塵土沈  
袈裟自知此處成佳境不必三茅與九華

扈從校獵陽山和胡學士韻是日甘露降

山勢龍蟠御苑東鷲輿行狩百官同馬嘶曙月遙飛  
鞞雕落寒雲乍試弓甘露洒珠凝樹白獵圍燃火燒  
山紅從臣詞氣相如在散效長楊擬薦雄

扈從校獵武岡胡學士韻

武岡山色勢宕崑伏裏者未未覺遙萬馬控弦衝曉  
霧六龍移蹕近晴霄行隨玉帳珠旗擁歸賜金蓮寶

炬燒清漏初傳霜月白天香滿袖聽鳴鑣

笳鼓連山起獵塵天臨寒谷畫回春謾陳絳樓陪多

士能賦長楊屬近臣琴奏五絃歌 聖德網踈三面

屬深仁致禽豈為蒐田樂郊藪于今有鳳麟

奉和胡祭酒雪竹之作

雪深庭竹曙光寒覆葉凝梢凍不乾清響入林搖玉  
珮素花飄徑點琅玕未須鶴鬣扶筇去已勝龍沙伏  
節着莫向尊前裁玉笛梅花吹落滿長安

清陵臺

玉顏掩泣向羅幃夫婿恩深不忍違琥珀枕寒春夢

斷鴛鴦被冷夜魂飛千年老樹空連理百尺荒臺白

暮年却憶文墳湖上路可憐韓重亦同歸

戲馬臺

繞堤春樹翠重，項籍遺都有舊蹤。城外高臺空戲馬，沛中佳氣已成龍。英雄割據青山在，霸業消沉碧藪封。此日經過倍惆悵，亂鴉啼散晚烟濃。

燕子樓

樓外雙旌去未歸，樓中寂寞減容輝。合歡枕冷愁長在，織錦機寒恨永違。青鏡自嗟鸞獨舞，畫梁無復燕雙飛。只今艷骨成塵土，空有行人吊落暉。

過慶壽寺訪忠上人故居

白雲寂、鎖禪關。鐘磬依然古殿間。蔥嶺雪深人獨去，虎溪松老客重攀。塵侵舊榻殘經在，苔翳空塔丈室閒。若道三生真有石，瞿塘煙棹幾時還。

禁中聞鶯

枝上金衣絢綵霞，好音曾似惜年華。千門聽徹春皆徧，百轉聲餘晝不諱。睨眄每依長樂樹，綿蠻多傍上林花。物情自解遷喬意，願和簫韶入帝家。

哭鄭博士孟宣

宦遊江海髮成霜，晚歲聲華動帝鄉。分職共推秦博士，能書不愧漢中郎。家臨閩海關山遠，賦就梁園翰墨香。猶恨旅魂招不得，九京霜露轉淒涼。

勅建新閣東華門內新成賦呈閣中諸公

東華樓觀鬱岩峩，高閣新成抗碧霄。祕府書圖全作匱，御溝流水玉為橋。柳添翠色承輅鳥，弄歌聲和舜韶。直待幾回清坐久，綵旄頻惹御香飄。

承天門外御橋東蓮花盛開陪鄒侍講同面  
觀因賦此

玉泉舊遠禁城流蕙苗時開滿御溝翠蓋拂波常帶  
兩紅衣照水未逢秋風翻涼影鴛鴦落露洗寒香翡翠  
愁此處已看花似錦何須遠泛鏡湖舟

和少師姚公廣孝見寄之作

名在三孤第一人烏紗白髮照青春平生詩格劉公  
幹晚節風流賀季真袍賜麒麟紅錦麗誥頒鸞鵲紫  
泥新身閑燕坐清如水始覺靈臺絕點塵

深定諸郡野蚕成繭父老採取以進賦詩紀之  
獻巧呈祥奪化機天生靈種在岩扉滿山飛兩翻成  
浴遍野尋春足療飢作繭自應編瑞檢繅絲應得奉

仙闈染成五色宜增重願繡山龍補舜衣

蟬

性潔應知飲露清翠綃為翼蛻來輕高槐殘兩淒清  
韻踈柳斜陽斷續聲逐髻巧添歌女媚製冠偏助上  
公榮長吟不獨能驚夢更恐秋來動旅情

蝶

粉白檀黃染翅妍尋芳多在早春天留連草色雙飛  
過貪戀花心幾度穿莊子夢中時栩三滕王筆下更  
翩三晚晴擬逐園蜂去又被鶯捎到柳邊

螢

輝、無焰復無烟腐草逢秋火獨然金井露寒光不

滅空風靜影頻穿隋玉苑裏明珠翠草

簡編何事却驚羅扇撲夜涼飛過玉塔前

七月四日奉天門勅賜楊梅

武當仙果進金鑿曉殿傳宣賜百官露葉帶香分翠  
枕星丸流彩落雕盤世傳仙種孤根異兆應豐年萬  
國歡幸忝鵠行露 聖澤詠歌無補愧儒冠

蘋婆

異果曾因釋老知喜者佳實出京師芳腴絕勝千林  
杏甘脆全過大谷梨黃帝遺書慙未錄長卿多病獨  
相宜由來南土無人識那得靈根此處移

送陳司封使哈烈

旌旆翩拂曉霞遠傳天語度流沙據鞍馬援心猶  
壯投筆班超髮未華路出玉關朝仗節水通銀漢夜

乘槎西行正值蒲萄熟醉卧涼州第幾家

又

星軺此去遠人歡新賜雕裘不畏寒萬國喜通周譯  
史諸藩爭識漢郎官南天音信憑鴻寄西域山河駐  
馬者聖代遐方同輦轂臨分莫歎路漫漫

燭

曾於鴻寶識神方長送清輝入洞房心到成灰辭綺  
席花如吐艷妬紅粧畫屏掩月蕪秋冷紫陌朝天襟  
曙光幾度似應憐遠別向人深夜淚成行

九日登高陪宴

原上霜清宿露收正逢佳節從宸遊雲開碧岫雁天  
寒范萸花對冕旒徧挿茱萸當此日物登來



高秋太平宴樂同京鑄顏播歌詩頌有周

送張真人宇清

龍虎真人翠霧衣，爐香滿袖雪中歸。  
曾參寶籙丹丘去，會輟颼輪白日飛。  
方丈神仙歸路杳，上清福地世塵稀。  
茅盈兄弟俱仙骨，何得相從悞道機。

胡荅酒宅飲蒲萄酒席上作

蒲萄新釀出涼州，對此還思博望侯。  
馬乳香分銀甕暖，驪珠光瀉玉壺秋。  
綺筵夜醉頻燒燭，錦帳春生罷擁裘。  
翻笑老農耕作苦，年年種林滿西疇。

張真人宇清別後於舟中作山水小景見寄

賦此奉酬

仙舟杳去乘風遠，道緘書附玉童下。  
見烟雲生眼

底懸知丘壑出胸中，兔豪染處冰侵硯。  
鶴氅披時雪掩蓬，南望洞天應不遠。  
石房丹氣出林紅。

送舍弟鼎赴陝西僉事

舊業青氈閱閣崇，科名幸爾亢吾宗。  
譜傳東魯先賢後，家在南塘舊社中。  
一曲驪珠愁對雨，九秋鷓鴣畫橫空。  
觀風正好詢遺跡，百二山河自古雄。  
都門祖帳歲華闌，送爾臨歧悄不歡。  
駝馬行嘶燕雪霽，鴈行飛度隴雲寒。  
兩京夜雨連床久，一道秋霜攬轡難。  
若對春來池草綠，日邊有客夢長安。

立春日忽憶兩京梅發時分韻得梅字

九重佳氣藹蓬萊，一夜春從禁裏來。  
回御苑綠梅金

柳內建瓴... 萬... 燼香散易知... 綠梅金

色開共喜迎新沾

聖澤況逢台鼎足

觀內廐馬

繡勒珠璣百寶裝  
天閑十二見飛黃  
行驂鸞輅陪仙仗  
嘶過龍樓識御香  
玉轡按時經細柳  
錦絲控處獵長楊  
虎文鳳臆真無足  
浪說周家八駿良

贈邊將

龍驤新拜漢將軍  
破敵威名塞外聞  
夜襲虜營衝兩雪  
晚占兵氣候風雲  
珠旗暖映千山色  
玉帳晴連萬馬群  
自古幾人通將畧  
只今衛霍有功勳

春思

鶯啼燕語畫樓東  
麗日輕雲護綺籠  
香篆暖飄烟縷碧  
花房晴滴露珠紅  
纏綿客思王孫草  
搖蕩春光少

女風暗想多情惟落絮時  
飛入翠簾中

二月十七日車駕北巡沙漠送至德勝門外

聖主戎衣總六師  
帳前飛將盡熊羆  
風雲陣勢隨金鉞  
日月光華動繡旗  
殺氣蒼連萬幕天  
威赫震三陲  
龍沙早晚回鸞馭  
清穆長歌吉甫詩

北京八景

居庸疊翠

重關深鎖白雲收  
天際諸峯黛色流  
北枕龍沙通絕漠  
南臨鳳闕壯神州  
烟生睥睨千岩晚  
露濕芙蓉萬壑秋  
王氣自應成五采  
龍文長傍日邊浮

玉泉垂虹

秋林晚玉出岩多  
畫日寒聲洒碧蘿  
水殿芙蓉秋正老  
石梁雲霧晚猶多

綠映光橫野落銀河瀑漲舊繞芙蓉殿  
液波更待西湖春浪闊蘭橈來聽濯纓歌

大液晴波

靈沼溶溶，淋氣回玉泉初暖碧如苔  
風回鰲背山光動日照龍鱗鏡影開  
飛鳥慣隨仙仗過游魚偏識翠華來  
願傾池水成春酒添進南山萬壽盃

瓊島春雲

自是蓬萊第一峯彩雲千疊映芙蓉  
隔窓暝鎖花枝濕繞殿晴添柳色濃  
影度仙岩常帶兩光浮御苑畫成龍  
綰縵不獨隨天仗更共祥烟護九重

薊門烟樹

東風綠樹統郊畿烟景蒼蒼  
靄謂曙暉夾道清陰停遠

騎滿林空翠濕征衣城邊隱  
行人度雲際翩宿鳥歸為報  
春來宜騁望恐經霜後葉皆飛

西山雪霽

岩崑遠岫倚蒼冥積素終消擁畫屏  
雲影高連千嶂白日華光映穀  
峯青林藏玉氣樵人識冰襟  
泉流野客聽政欲登臨窮絕  
嶽餘寒猶恐在岩扃

盧溝晚月

渺渺平沙接遠堤一川殘月石梁西  
光連古戍迷鴻影寒逐清霜入馬蹄  
雲淡漸隨銀漢洗烟空微映玉繩低  
經過曾此陪仙驛兩度停驂聽曉雞

金臺夕照

骨終知千里得龍媒樹連平野烟光合鳥帶遠空  
色回總謂招賢從隗始只今誰教樂生才

送潜御史

繡衣南去獨乘駟五月霜飛道路中頭戴豸冠簪白  
筆口含雞舌到青宮御溝影漾金鋪日苑樹涼生玉  
殿風自是兩京人物盛才華獨說馬周雄

同宋侍郎本善暨同考諸公登崇文閣

崔嵬飛閣出鬻宮此日憑高思不窮九市笙歌留夕  
照萬家烟樹拂秋空北瞻闕塞居庸險東望滄溟碣  
石雄一覽似能周八極虛勞雲夢說心胸

中秋試院和鄒侍講韻

棘園深傍碧池開應詔唯需賈董才多士踏槐天上

集幾人攀桂月中來照車喜得隋珠出入手頻將蜀  
錦裁却愛高堂銀燭夜西風涼氣滿樓臺

送鄭御史榦致仕

白髮霜臺聽樹烏封章初上遂懸車九重鳳闕霑宮  
宴五色龍文降璽書朔雪曉鍾辭禁署東風畫錦動  
香閣到家散盡黃金後不獨當時有二疎

送陶給事中德温入閣

青瑣仙郎屬近臣朝簪筆侍楓宸手持符節辭双  
闕口奉絲綸到八閭兵衛幾回嚴簡閱皇華隨履重  
咨詢海隅民俗知何似早晚封章入奏頻

送劉給事中子儒使雲南

節變夷六詔識仙郎青山晚映滇池近碧樹晴連  
甸長莫道西南真萬里長安日近少冰霜

送進士傅玉良玉潤南歸畢姻

薊門晴雪照離觴河水西流去棹長華萼春深多向  
日薰葭歲晚獨禁霜遠傳喜信占烏鵲預卜佳期叶  
鳳凰歸去只疑雙桂發不知滿袖帶天香

對雪

禁城飛雪向嚴冬積素凝華絢九重上苑籠葱瓊作  
樹西山嶺峯玉為峯光連紫陌迷朝騎色晃彤樓促  
曙鍾喜報豐年歌白雪郢中詞客可能容

送兵部尚書陳公村遠出鎮交趾

南交獻凱正論功司馬新除寵眷隆三受虎符參閭

外兩持龍節鎮蠻中蕭何經國曾供餉裴度臨邊暫  
總戎已喜夷人歸版籍伏波銅柱謾爭雄

送胡敬方下第還南京大學

百戰詞場白髮生日華五色世空驚老來梁顥還登  
第歸去劉蕡久擅名柳外烟深籠馬色花邊風暖度  
鶯聲青雲浩蕩非難過天遣奇才獨晚成

王格先生從大軍鎮交趾賦此贈別

紫殿朝辭拜袞龍佐戎南去荷思濃地連瘴海雲  
千疊山繞蠻烟路幾重馬援樹荒輕漢業高駢塔古  
記唐封避方久矣安民俗道上壺漿幾處逢

送廖自勤

日馬關一節帶去喜從大將鎮南夷

處座上論兵按劍時烟火依微新井邑山川繞統舊  
城池歸時幕府才名盛幾曲鏡歌獻玉墀

端午侍宴奉天門賜扇五色壽絲

菖蒲如玉泛金卮正是彤庭賜宴時三殿香烟隨鳳  
蹕九門曙色絢龍旗近臣對御分金扇中使傳宣賜  
絲絲共荷 恩榮同拜舞華封還祝萬年期

交趾削竹黏紙為摺扇以充貢乙未夏命中

書舍人寫傳格言于其上以賜百官

捲霧舒霞疊水紋中官擊出御前分溪藤蕭颯裁新  
樣汗竹參差綴古文爽氣尚含鮫室雨墨香偏染鳳  
池雲極知當暑清肌骨願播仁風答 聖君

送僧還天台

赤城霞彩動晨暉海上千峯合翠微身逐片雲飛錫  
去心隨流水泛杯歸經翻貝葉龍能聽松偃珠林鶴  
自飛想得蒲團趺坐處天花散落五銖衣

房憲使子靖蒙 恩得釋見過賦此奉呈

九重 恩詔出黃麻殷網疏時兩鬢華謾道蒼蠅污  
碧玉終令白露老蒹葭宦游幾度乘駝馬旅食重城  
聽曙鴉舊佐藩維還有待不教歸種邵平瓜

江西八景

西山積翠

城外青山爽氣浮重巒疊嶂擁南州四時秀色含雲  
霧萬壑寒光逼斗牛野樹迴連空翠合湖泉長繞壑  
泉流由來此處多仙境那得飛車汗漫遊

南浦飛雲

悠：片影楚江涯。漠：輕陰傍釣家。乍逐渚烟籠草  
色還隨灘月隱。蘆花風吹暝靄。收殘兩日絢晴暉。帶  
落霞幾度。鴈歸迷宿處。數聲嘹唳隔寒沙。

徐亭烟樹

東湖老樹拂晴雲。樹裏空亭識聘君。鶯轉綠陰初過  
兩鴉啼涼影。半斜曛。誰懸木榻延高士。空致生芻吊  
古墳。千載高風遺像在。令人懷仰挹清芬。

滕閣秋風

岩崑高閣出洪州。佩玉鳴鑿帝子遊。謾有文章傳勝  
事。更無賓客宴清秋。綺羅香逐浮雲散。絃管聲隨逝  
水流。莫向畫圖看蛺蝶。夢未何處問莊周。

鐵柱仙蹤

冶金為柱出神功。長鎖蛟螭在此中。迴壓鴻龐消蜃  
氣。直臨滄澗鎮龍宮。江波噴浸孤根穩。地脉鈎連八  
索雄。萬古旌陽遺跡在。蕊珠樓觀勢凌空。

洪崖丹井

聞道堯時一老仙。燒丹鑿井不知年。長因洗藥浮香  
氣。偶為開爐泛瑞烟。靈液晝凝封寶鼎。神光夜發照  
寒泉。誰能嚙嗽通仙術。凡骨飄：比蛻蟬。

章江曉渡

月落西山欲曙天。渡頭人語古城邊。鍾聲杳靄臨江  
戍。帆影參差隔浦船。幾處蘼蕪深夕露。萬家楊柳暎

清四年。過客頻來往。誰復東流嘆逝川。

龍沙夕照

晴沙如雪照斜暉一望川原夕靄微霜落空林秋葉  
下天連遠水暮帆歸殘烟漠孤城閉極浦蒼一  
鴈飛自是江南多勝槩此中風景世應稀

南昌古蹟十詠

澹臺墓

聞道南遊竟不回城門題字有澹臺楚鄉耆舊知道遺  
迹魯國衣冠識俊才廟貌千年存俎豆旅墳三尺翳  
蒿萊新蛟毀壁真奇事青簡流傳莫謾猜

灌嬰城

章江南面有荒城千載猶傳漢將名狐宿斷垣春草  
合鴉啼古堞暮烟生風雲暗想精靈聚茅土長垂竹

昂榮獨有離：霜後樹還如赤幟繞行營

梅真觀

金鐵為飛事不虛遠臣憂國意何如丹心誓欲扶宗  
社青史空令錄諫書蓋殿曉開仙尉宅馳輪夜集羽  
人居吳門蹤跡應難候華表秋風鶴夢餘

葛仙壇

片石空餘斷蘚青何年飛珮入蒼冥岩前花發春長  
在澗底泉流洞不扃寶鼎虹光藏秘藥玉床龍氣護  
仙經懸知此地脩真者時掃寒雲夜禮星

投書渚

爭傳皂蓋赴皇州錦字泥緘托去舟懶與世人通契  
關任隨流水自沉浮萬金香：淪波底一轉



石頭却笑空函猶自達當時誰作置書郵

寫韻軒

暫拋金錄別群仙  
還結人間伉儷緣  
瑤草忽迷溪上路  
碧桃空發洞中天  
綺䟽綉日通琳館  
彩筆含雲拂錦牋  
一夜月明聞虎嘯  
不知清佩隔風烟

繩金塔

地藏舍利隱金繩  
百尺浮屠試一憑  
雲裏高標鶩過客  
月中孤影伴殘僧  
風傳鈴鐸和朝梵  
星繞闌干雜夜燈  
向夕始知臨眺久  
蒼烟樹入鍾陵

浴仙池

不向瑤池醉錦筵  
却從下界戲清漣  
冰壺影浸芙蓉露  
玉鏡香涵翡翠白  
鶴已隨仙骨化  
青娥長得世

人憐春來水面浮萍發  
猶似靈風墮翠鈿

陳陶宅

亂藤高竹翠交加  
此地曾聞處士家  
萬古詩名垂宇宙  
一函清骨閱烟霞  
荒山寂寂啼寒蠶  
遠樹蒼蒼集暮鴉  
惟羨當時心似鐵  
行雲空自擁蓮花

蘇公圖

門巷瀟條碧草生  
楚鄉何處可逃名  
灌園久已忘機事  
賣屨寧慚混俗情  
豈為故人居鼎鼐  
謾勞使者扣柴荆  
明朝更擬移家去  
回首浮雲脫屣輕

香奩十詠

金盆沐髮

翠髮曾解伴紅臺  
澹金映玉肥香露

動綠雲沉水，紋紋開乍疑。洛浦凌波去，還訝巫陽作。兩來重縮官鴉，勻粉黛，皆人臨鏡久徘徊。

寶鏡句粧

繡奩開處動晴光，試粉調朱倚象床。菡萏映波紅頰潤，薔薇和露翠鬟香。不教眉黛勞京兆，還許花鈿學壽陽。金鳳翠翹都插遍，却移蓮步出蘭房。

紗窓春夢

碧紗如霧掩春閨，萬恨千愁夢自迷。乍逐行雲經楚峽，還隨明月到遼西。翠衾香冷成蝴蝶，玉漏聲殘怯曉雞。覺後却驚鴛鴦帳裏枕邊空，有數行啼。

香閨新月

一鈎新月映銀潢，重整殘粧出洞房。珠箔暫開瞻素

魄，金蓮微步近清光。水沉烟細知風靜，雲母屏空怯露涼。再拜塔前還細祝，何時玉鏡照鸞凰。

綉床凝思

感彩盤金奪眼明，倚床無語不勝情。紋隨別意千回轉，線逐愁腸九曲萦。羅帕淚沾紅袖濕，紫茸香染碧紗輕。停針何事偏惆悵，惟恨鴛鴦繡不成。

金錢卜遠

鱗鴻杳：隔天涯，偷擲金錢掩綉帷。遠信謾勞占喜鵲，佳期須是伏靈龜。含羞只恐傍人見，暗祝猶防侍女知。又象分明開吉兆，芙蓉花發是歸時。

黛眉顰色

閒愁千種在眉頭，長覺雙蛾倚畫樓。如

色遠山凝黛鎖春愁放來鄰里翻憐配畫就閨房強  
忍羞誰似孟光長舉按鏡中八字謾風流

玉頰啼痕

春來長是惜韶光泣向東風淚幾行半濕  
臙脂霞作暈微沾鉛粉雪生香每看鴈札應妨墮  
閑捻鮫綃只預防幾度梨花春夜兩暗隨殘漏滴  
更長

綺檻折花

朝來梳罷綠雲鬟行傍花邊意態閒露滴濃香  
霑翠袖日烘嬌艷妬紅顏試拈嫩蕊偏憐摘細  
認高枝謾自攀芳氣滿襟猶未歇隔簾時惹蝶  
飛還

綵樓乞巧

樓頭新月照蛾眉樓上流蘇五色垂暗托蜘蛛  
占喜

事謾驚烏鵲赴佳期露侵寶鼎浮煙細風裊金針度  
線遲巧性殷勤煩乞與此生百世綵相宜

昔人有香奩體蓋托閨房女婦之意而為之  
近世騷人才士樂於賦詠遂分為八題或又  
增為十題然其所述無非形容閨門情態甚  
至柔間濮上之音斯為太過予因客居之暇  
披閱古今之作間更其題一二字或全易之  
為香奩十詠所以寫夫綠窓深院之中矜其  
容色寓其情思惜韶華之易邁念伉儷之遠  
隔而其沉憂積怨之懷含羞倚媚之態一見  
於此蓋庶幾思而不失其正感而不至於  
者然其風雅則有愧焉觀者幸勿

送陳郎中重使西域五首

曾驅宛馬入神京拜命重為萬里行  
河隴壺漿運出候伊西部落總知名  
天連白草寒沙遠路遠黃雲古蹟平  
却憶漢家勞戰伐道傍空築受降城  
龍紋御敕紫泥封玉節光華出九重  
三譯慣諳胡語熟諸蕃爭荷聖恩濃  
雲消烟火連青海月照寒沙繞白龍  
此處定知葱嶺路馬頭遙指最高峯  
雕輪華轂擁鳴騶幾欲停鞭記舊遊  
赤嶺晚雲連雪積黃河春水帶冰流  
旌麾行處羅諸部金帛頒時列衆酋  
却笑虎頭班定遠身親百戰覓封侯  
玉關迢遞塞雲黃西涉流沙道路長  
山繞高昌遺碣在草遮姑默廢城荒  
閑聽羌笛多乘月暗捲戎衣半

帶霜不用殷勤通譯語相逢拚是舊蕃王

重宣 恩詔向窮邊蕃落依稀似昔年  
酋長拜迎張

繡幌羌姬歌舞散金錢葡萄夜醉氍毹月  
驛曩晨嘶

苜蓿烟百寶嵌刀珠飾靶部人知是漢張  
騫

西戎城郭枕邊荒一望平川百里長  
漢使旌旗千騎

擁蕃兒冠佩萬金裝錦幃燦爛芙蓉毯  
寶石玲瓏翡翠

房歸日更陳西域記千年國史有輝光

元夕觀燈午門

天臨黼扆動龍光三島新移值建章  
燈火萬枝懸寶炬綺羅千隊出紅粧  
觚稜月轉留仙躡禁署風回散御香  
歌舞不知清漏永官筵還進紫霞觴

琉璃寶地煥晴光  
曉騎乘春到上方  
仙梵乍聞清俗慮  
胡僧多住在禪房  
山浮空翠籠金刹  
水泛飛花出石梁  
坐久欲窮方外趣  
禁城烟樹晚蒼蒼

重遊白雲觀

仙人羽化白雲鄉  
臺殿玲瓏鎖夕陽  
望氣幾回逢尹喜  
看花前度識劉郎  
丹房龍虎蟠金鼎  
石洞烟霞護玉床  
謾說仙家多勝事  
藍橋何處覓瓊漿

送道士歸桃源

霞佩何年別翠岑  
迢迢歸路武陵深  
種來白石皆成玉  
煉就丹砂已化金  
陰洞靈符應尚在  
仙房瑞檢得重尋  
桃花開遍無人到  
風滿衣裳露滿簪

初夏崇真萬壽宮觀開  
吳真人手種五鬣薔薇

何年羽客種薔薇  
五色花開晷暉暉  
一片彩雲攢瑞萼  
滿庭香露濕朝衣  
虛疑神女遺霞佩  
還訝天孫墮錦機  
應有神仙憐絕艷  
夜深騎鶴月中歸

九月十八日同襄城伯李公先還南京舟中奉簡  
曾於玉帳識先公  
此日乘舟李郭同  
兩葉金貂承雨露  
三秋畫鷁駕天風  
謝玄騰氣終摧敵  
班勇軍教屢破戎  
自是將門多俊傑  
坐談韜畧滿胸中

丁酉五月朔駕至北京御西內新殿朝賀

五衛旌旗簇九霄  
新宮駐蹕萬方朝  
西山雲氣通仙苑  
大液虹光出御橋  
龍影六飛賸寶輅  
鶯教百轉和蕭韶  
共欣洛下方經始  
豈憚追趨犖路遙

華館深沉直禁闌，彩蕙丹碧煥翬飛。上林萬樹連西掖，北極諸星拱太微。繞硯龍香裁詔罷，隔簾鶯語逐朝歸。應知幾度青綾夜，月轉金莖露滿衣。

新居二首

在世祖廟南城隍廟東

苑牆西面地幽偏，卜築新成喜遂遷。翠黛半橫窓裏岫，玉虹斜落枕邊泉。開門風雨如村巷，繞屋桑麻似野田。此處宛疑朝市隔，何須還詠浣花篇。  
金城方外御溝西，沙路無塵水接西。臘蟻且拚花裏醉，夏鶯多傍柳陰啼。晨趨紫禁天應近，夕夢青綾月未低。綠野豈須誇勝槩，至今空羨輞川題。

寄趙公復

江上梅花映酒卮，別來還憶十年時。銀床碧水陳遵

轄，玉筍青山謝眺詩。湖海舊遊心尚在，風霜暮景髮先衰。兩京迢遞書難寄，况未逢秋鴈到遲。

輓李士文

憐君三十擅醫名，人家識宋清。鳳闕天高虛薦剡，龍沙雪滿信歸旌。已知丹杏栽能遍，豈料黃芽養未成。多少負病皆缺望，聞歌蒿里盡霑纓。

五月朔進寶錄罷賦呈同事諸公

昂湖龍去泣遺弓，三十餘年政治隆。洛水有書昭盛德，泰山無石刻神功。開函捧進當墀內，端冕躬迎拜殿中。愧乏三長膺黼黻，遠慙班馬擅才雄。

五月六日賜觀西湖

玉珂龍影出長秋，詔許西湖攬勝遊。雲

兩風聲度壑迥疑秋樹含飛翠沾衣濕泉作雷虹連  
澗流中使淹留歸向晚水紋輕漾採蓮舟

玄克

傳聞三穴久儲精日啖玄霜異質成八竅總含蒼露  
濕一身斜軀黑雲輕行來青瑣應難覓立向瑤階却  
畫鷺自是太平多瑞物願隨毛穎詠干城

輓胡學士

海內儒魁仰俊髦平生文采映東曹長依楓陛天顏  
近暗想花甌日影高鳳閣每驚鈴索動龍沙曾從屬  
車勞青綾夢斷天風冷塵滿盤鷗舊賜袍  
內相曾推陸贄賢瀛州高步領群仙上書玉闕多焚  
草退直金鑾獨賜蓮一代文章歸彩筆九重綸綺賁

黃泉朝來旅襯都門道忍聽西風薤露篇

己亥元日雪

三殿爐香壘彩烟紫微瑞雪慶新年漸着積素連馳  
道轉覺飛花近御筵清響暗隨仙佩集曙光偏促禁  
鐘傳朝元預喜占豐歲願叶賡歌播管絃

巢睫集卷之四

荊門秋夕

清漏遲、月轉廊博山消盡水沉香重城不鎖還家  
夢兩夜分明到故鄉

途中即事

淡黃綉帶縮金環力士牽來不鞿鞍如此龍媒真駿  
骨時：立在仗中看  
文豹雄姿馬上輕從人馳驟不曾驚非因搏獸能驍  
捷何得長隨綵仗行  
錦鞬鷲鳥擅奇雄勁翮英姿出海東側目雲霄思一  
擊幾回直上到天中



翠裙紅袖坐調笙一曲嬌歌萬里情二十四橋春水  
綠蘭橈隨處傍花行

經虞美人墓

玉帳含凄對舞腰楚歌風冷夜瀟瀟  
紅顏薄命何須惜祇恨君王霸業銷

舟中聞笛

誰家吹笛隔溪聲  
柳新條留得送人行  
隨風動客情  
莫向春來怨楊

棹歌

楊柳青  
河水流那知深處好  
行舟行人莫道江南  
好春來風浪使人愁  
水淺牽船逐岸移  
下灘容易上灘遲  
不愁水底推船

去只怕船頭風倒吹

梨花

玉顏憔悴粉香勻  
泣雨啼烟暗恨春  
莫遣東風便吹落  
綠窻疑有惜花人

鞦韆

雲綰雙鬟半躡肩  
翠蛾二八闌嬋娟  
蟠巾結帶牢粧束  
猶恐斜風墮翠鈿

題白芙蓉扇面

鉛華初試曉來粧  
水面風多玉骨涼  
絕勝錦中城下路  
紅雲千疊倚秋光

舟中即景

烟樹隱城頭  
樓地輕沙水亂流  
借問客程何處

所滿船風雨過滄洲

憶別

一家去住兩關情行李蕭然又出京記得別時寒食  
後斷烟殘雨石頭城

即事

片：飛花逐水流傷春何處最多愁紅粧獨倚闌干  
立望盡征帆不下樓

靜海感書

紅燭當爐夜數錢驛亭西面綠楊邊重來烟景渾依  
舊只認青帘記昔年

直沽晚泊

水繞孤城樹繞津帆檣歲：往來頻津頭白鳥如相

識飛近船窓不畏人

旅懷

十年京國鬢蕭蕭：薊北江南萬里遙家去潯陽猶尚  
遠莫將音信托寒潮

題陶學士秦弱蘭郵亭贈別圖

遙持玉節帶水街文采風流自不凡一曲琵琶彈未  
了至今遺恨滿江南  
燭殘香冷鬢雲偏不是因緣亦可憐明日尊前歌此  
曲郵亭何處有神仙

閨夢四時詞

燒殘紅燭綉房深簾外春寒入翠衾夢裏不知離別  
後更幾帶帶縮同心

涼沁紗幮，茜蕙風簟紋斜印。玉肌紅覺，來淚濕驚鵲。  
錦一段，雲情是夢中。

月過銀屏，映象床秋風微透。越羅裳無端一枕相思，  
夢為兩為雲總斷腸。

流蘇寶帳錦毳，遇侍女添香夜幾回。孤夢豈知冰雪，  
積胃寒猶自到陽臺。

題廖自勤安南回所藏墨竹

清姿獨受風霜凜，直節仍沾雨露深。早晚伶倫裁律

呂調高，還作鳳凰吟。

題李仕鼎所藏解學士扇面

張顛醉素寂無聲，千載文江獨擅名。誰識秋蛇春蚓，  
意斷鱣殘墨有餘清。

題仕鼎所藏解胡二學士扇面

憶昨詞華動筆端，驪珠光彩照齊紈。雲烟零落殘鱣，  
斷留得清名與世傳。

題子陵垂釣

長竿七尺坐巖灘，不應徵書拜。聖顏一段高風何，  
處見至今留在富春山。

五言絕句 元明詩一卷

酒家

酒幔臨津口，壚頭勸客頻。露鬟當暮整，別有泊舟人。

湖上

其一

東家湖水上，水綠照城眉。自惜容華好，

其二

暮夜常不眠月影照牕戶浪起聽風聲更泊船何處

其三

朝、湖上望不見有歸船只羨鴛鴦鳥雙飛向渚邊

其四

紅顏比蓮花羅裙比蓮葉花裏不見人歌聲忽相接

其五

少婦含嬌羞逢人隔花語荷露濕衣裙不是陽臺雨

其六

蘭橈傍煙嶼蕩漾湖水深且摘綠房子蓮葯知妾心

其七

菱熟苦多志但恐傷玉指郎歸若相疑心此誰相理

其八

郎意波上萍妾心水上石水流石不移浮萍無定跡

其九

目斷春帆去何時向此歸不如沙際鳥猶得逐帆飛

其十

汲南湖水行人暫泊舟為傳音信喜夫婿到揚州